

四庫全書

集部

欽定四庫全書

懷清堂集卷十八

吏部侍郎湯右曾撰

贈顧九恒時戊戌上元後四日

八十翁真壯青雲算鶴程賦詩留古意把酒謝時名  
夜雨燈前話春風隴上耕魯連心倜儻高意動聊城

題萬九沙蘭窗卷

劍履槐堂世業存高風佩芷襲芳蓀窗前蘭似廳前柳

金史卷八十八  
卷十八  
指與丹陽六代孫

春叢空谷紫抽芽  
九畹風流異代誇  
三百年來收拾得  
大弓寶玉送君家

送馮文子之禮縣

行矣將圖不朽名  
未嫌仙令一官輕  
地連同谷曾開府  
天近陽關尚用兵  
小邑自來無大費  
薄田只要勸深耕  
誰知萬里河湟外  
正有書生願請纓

與翁思敏話舊

小來同學又同年門戶潘楊舊有連  
挾策尚思鄰馬肆脫裯誰省弄犀  
錢家山並宅心長在宦海連舟地  
偶然虎嘯猿吟鄒子國不妨閒話  
夜燈前

寄和令詒給諫

海上看鷗幾歲華舊來朋好每咨嗟  
九苞威鳳饑何食一角神羊觸必邪  
焚草未應忘報國著書聊喜得名家

來詩有詩癖  
書淫之句

當時湯餅筵前客玉雪兒郎已可誇

憶到天池彩翠重只今梧院尚陰濃  
一坳水底波濤潤

千尺枝邊雪霰封地下故人雙諫議

謂西齋司谿唐范攄云二諫垣矯翼

翻翻雙名並席

門前黛色九芙蓉祇應爛熟塵中事未厭山僧

夜打鐘

簡礪房

兩三坊隔無多路六十年餘有限人只合時時尋老伴  
還教處處鬪閒身詩場戰後千夫特酒海深來四序春  
我似右軍終樂死是非得喪等浮塵

一送色侍郎奉使西寧督理兵餉

天近陽關震鼓鼙行營金印手親提轉輸關內兼河內  
節制湟西更隴西傳箭軍中收鐵勒踏歌池上唱銅鞮  
葡萄酒熟邊城路好問尚書訓士齊

時家宰富公  
開帥府肅州

### 過法華庵

玉河屈曲貫城流匯作風漪十頃幽清浪似翻龍鉢底  
閒雲遙接雁池頭老慚佛法三乘入病想僧房一榻休  
他日蒲蓮浩如海可知宜夏復宜秋

### 天河

用杜  
韻

素練經秋直涼波徹曉明界天分淡白避月出孤清隱  
見光浮地闌干影挂城待尋機石上好趣晚潮生

棗

初種甫尋尺今看半出簷實經風裏坼味較市中甜鄰  
遠知難撲兇爭笑不廉甘瓜削榆次為飣客盤兼

偶見

忽看田野趣半在老夫家屋角壺堪斷離邊豆尚花侵  
階叢野菊絡石蔓秋瓜他日東屯去為農興倍加

曉起

林鳥忽一鳴攬衣起已曙風吹夜來雨葉落窗中樹梁  
燕去仍還池花晨復暮似聞采菱曲夢入江南路

宣武門東城下曉行

老去應官有底忙未明先起攬衣裳人從鴉鵲聲中出  
路入輪蹄影裏長牖下已添秋水勢城陰初散曉煙光  
隔河樓上花枝好尚護重衾半篆香

中秋月蝕



明鏡塵昏匝斑參差桂樹有無間夢魂似到清虛府  
優息真懃救護班玉斧修來仍壁合蚌胎滿後看珠還  
一篇孤憤貞元體笑爾妖墓亦等閒

戊戌閏八月三日送安溪相公喪至廣渠門外歸  
過萬柳堂

碧柳行疎尚有塘偶隨步履一褰裳三年人到悲歡異  
乙未秋餞送相公假歸曾過此八月秋深葦荻荒橋壞誰裝新雁齒水

枯已斷舊魚梁過溪更問參寥子

向有龍井僧住此今叩之歸已二年矣

雲物蒼然念故鄉

葛氏莊

入門池上小茅亭  
瑟瑟菰蒲水檻臨  
三尺也看波潋灩  
數峯差喜石欽崙  
天邊月到平臺迥  
春際花藏曲塢深  
不問園林誰是主  
可知看竹子猷心

小雪後八日宿聿修學士苑西新居

逆旅當時兩寓公

壬辰以來數與  
學士偕宿於此

林亭今屬主人翁  
隔

牆幾見葡萄熟  
來歲還添芍藥紅  
袞袞流年飛鳥過  
紛紛

紛俗慮覆杯空閉門風雪蒼寒地此意期君晚節同

自苑西歸行墟墓間

東華西苑往來頻失笑車中七尺身老冉冉兮雙鬢雪  
冢壘壘處百年人青天月自無今古滄海珠休問假真  
何肉周妻皆有累不知何路出風塵

大雪後一日九恒礪房同集寓齋感成一篇

下坂千尋石礙輪掀天一葉浪無垠百年幾見為歡夜  
列座誰非既老人醉慰且休誇故李童兒聊任羨新秦

溫房小燠堪遊戲已遣寒梅豫報春

西苑請

皇太后安是日大風寒甚

撲面風尖奈爾何日光未動曉寒多問安長信宮中去  
緩步宜春苑裏過石以霜侵稜刻削冰如山立勢嵯峨  
汗人何與元規事十丈飛塵一任他

除夕前一日作

女中堯舜失宣仁

聖主居廬孝理新  
每待檢書官燭短  
苦難安枕禁鐘頻  
十行遺

詔冰霜日三獻  
哀詞侍從臣  
歲晚玉堂尋故事  
更無帖  
子寫宜春

覓春

覓春惆悵為春遲  
九十風光欲半時  
桃蕊乍苞宮纈影  
柳條未散麴塵絲  
年年觸物心多感  
夜夜懷人夢有思  
院落燈紅簾月白  
且排閒悶一篇詩

元夜思敏南指聖湖雪子咸珍峙公聿修寓齋小  
飲

寶馬香車五夜回銀花火樹九門開強酬節物因留客  
未減風情試撥醅皓魄最明今夕月繁枝猶放故園梅

盆梅數本皆  
故鄉所寄

只嫌寂寞歡悰少喚取笙歌一部來

次韻奉贈雪子

昔游曾是十年遲洛水梁園並馬時笑我尚羈轅下足  
羨君未點髭邊絲因懷薦士中多愧除却歸田百不思

蚤晚高才選何武中和樂職賦新詩

清明前一日與蘭揮舞揚南指翰編奏功比部西

亭水部蒼孚思敏農部聿修大令峙公雪子文

學花下小飲

初過百六煩春工千枝萬枝雲錦叢杏花未慙梅已老  
照眼瞥見山桃紅是誰銜出蓬萊宮吾家亭子東復東  
三更霑洒微雨潤百態婉媚朝陽烘臙脂點注珠粉融  
玉兒窈窕窺房櫳一堆香雪嬌嫋媚三年三度清明風

有力莫因陳子公得間即覓王無功山雲本是戀邱壑  
野鶴乍似辭樊籠樂哉累觴一舉空冰綃卷出霏霧濛  
尋香已見接翅蝶簇藥漸鬧黏鬚蜂武陵漁郎迷短篷  
天台仙路杳不通極知此日足可惜默數後會將毋同  
當時少年今老翁花開花落常恁恁夜闌更借官奴笛  
一曲清歌明月中

酬蒼孚農部

倚淹曲闌風年光逝水同春當三月尾人在百花中數



數煩佳句時時借樂童

農部每以歌者至

鷓鴣遙夜唱聊復慰

衰翁

齋中山桃盛開雪子用東坡江行見桃花韻作一

篇見貽次韻奉答

佳士如名花常恐委草莽心思折麻贈莫遣采蘭阻之  
子故鄉來冰雪暗江浦坐我林亭春紅點衣上雨似聞  
歌桃葉姪姀應門女連朝困風霾欲刮一寸土幾枝吹  
未折萬朵嬌無語酌之以清詩逸思共霞舉湖堤晴綠

漲夢想烟際。武陵疑可尋。雞黍具客主。天台採藥去。  
誰云入道苦。我作如是觀。造物方付與。興酣掌中杯。意  
盡腰下組。期君和露種。天上鳳翔翥。

新移蜀海棠二株

石鏡山頭好顏色。蜀王宮中留不得。化為絕艷到天涯。  
燕燕鶯鶯春一國。嫣然顧我頤而姝。雙鬟千萬買不如。  
輕陰似護午睡態。細雨為洗梅天圖。施粉施朱兩何有。  
強言國色朝酣酒。慈仁院中今幾年。玉蘂飄零根已朽。

小窗揀得最鰲枝桃李開殘未後時風和晝永簾押靜

看爾綽約神仙姿

曹曉花譜謂海棠花中神仙

題汪蒼孚農部五世讀書圖

萬籤曾說貯書倉三本猶應剩墨莊誰識茂林脩竹外  
別開花峙讀書堂

承家學海與經神司馬風流跡未湮喬木百年餘蔭在  
望郎今是有名人

感懷四首

弱齡志典墳中歲踏朝市生逢堯舜君可以出而仕十  
年持史筆八載分諫紙迴翔領清班荏苒逮暮齒雖無  
理人術頗抱竊祿恥進退觸藩羝耿介罹羅維漳濱久  
寢瘵老氏貴知止傾危聲利場翻覆輕薄子昔為膠與  
漆今化虎與兕問君何以然趨勢古如此但邀令尹顧  
請為公子死

冥坐息羣動曠懷思往賢塊然獨忘情乃在太古前昨

得故人書

居謂曰

遠別涕餘潛萋斐貝錦織斷絕朱絲弦

自小為骨月豈能捐愛恩中路各翻飛四運多變遷葱  
菁瓊樹枝演漾璇水源榮枯詎一致得喪感萬端矧余  
三紀餘推剝傷肺肝芳華及時曜霜露淒復寒君看田  
中瓜鉤帶子母連君看林中葛詰屈枝蔓纏在物猶如  
此于人良可歎

仕宦三十年始獲有此居此居何所有所有千卷書高  
詞足文府精理握道樞一語苟為妙萬言同翳如所以  
餐霞人騰身在空虛駕鴻乘紫鳳飄飄風露俱左顧汾

水陽右盼崑崙墟天孫錦七襄靈妃衣五銖下士方辛  
苦窮老注蟲魚

歌亦不全無酒亦不全有逍遙有無間雲夢吞八九黃  
河只裳帶泰山等培塿功名足還倚富貴手被肘同為  
可憐傷何者云不朽牛山忽揮涕歷載到峴首沉我沈  
冥人大海粟何有直排金銀臺南北望箕斗

題商邱畫蘭

竹箭美必採澤蘭香宜紉公子鎮東南空谷無幽人偶

然托妙墨寫此平生親吁嗟魏公籌小筆乃爾神

己亥五月足疾杜門雪子峙公過訪閒話竟日作

二篇奉贈各以姓立韻

五馬浮渡來最數江南王豈惟養炬輩烏衣冠諸郎吾  
子年少日五色成文章舅氏古先生館子白鳳堂當時  
兩冰玉戚姬分末光我時黔陽歸始接衣履香回頭二  
十載雙鬢漸已蒼鸞鳳刺天飛翦鴿不得翔竭來到京  
國執手共感傷子才必見收行待槐花黃世有蕭穎士

當識古戰場何假吳武陵一賦袖阿房

我老多昏忘頗似東陽沈

南史沈約傳老大昏忘不應受策

每呼讀此

霓愛子獨精審連年領書局捆載車接軫休沐無餘閒

肝腎費錙銖誰為左右手衰疾謝不敏子也實僞才墨

盡有餘潘寸截方圓玉百衲龍驚錦平生江鮑體繁麗

自天稟瑣瑣視羣兒不滿一笑哂雅耽水竹居時就文

字飲娉婷惜不嫁況乃邢與尹我誦退之言枚臯窮且

忍



樹下一首

日夕坐簷下愛此嘉樹陰嘉樹最何好斜陽在高林兩  
株盡西靡一株還東臨葉葉似相蔭枝枝若相尋宵有  
熠熠螢晨有闐闐禽下及九仞泉不見螻螳侵上蟠百  
尺枝時聽竽籟音生非椅與桐材不中瑟琴又非杞與  
梓梁棟非所任只合幽人居同此靜者心念昔始尋尺  
合抱遂見今荏苒四十年老大轉沈吟

杜云沈吟  
屈蟠樹

閱人

良已多對酒未忍斟中丞宰木拱大令宿草深獨有顛

頽容猶然未抽簪

四十年前屋主人為傅雨臣中丞沈礪房大令當假館焉余每往來談讌

此於

旬日癰毒發右足創甚至不能履地一篇解嘲

是身如芭蕉破碎霜雪裏衰年諸病入小者亦爾爾經

旬困吟呻水日在牀第乍疑馬便疥肯信蛇齧指痒當

十手搔

禮記痒不敢搔

快得一餉美初焉爬烏爪既乃螫蠆尾

顛倒魂夢驚楚毒支體毀寧知痛至骨但見水如泚到

曉或不瞑竟夕常數起噴火熾未斷魔風颺不死

山谷詩黃

昏風苑浪亦半

斂剝無憐肌浸淫有扶髓誰云尊兩足會當滅

一趾決命訪醫門捧方求藥市煖湯濯宜數

杜詩煖湯濯我足

裂裳裹方始

裂裳裹足墨子事

茗勤點紅囊果還佐青子

近用龍井

茶研末根攪核燒灰

詎免水厄誚聊用瘍祝比支離近齊纂磨枯

類燕砥敢云塞無尤虞鑿望跛能履鶴脰翹不下夔足隼

還畸介驚公文軒半笑習鑿齒拘拘還造物跂跂逐蟲

豸折或以占鼎歌恐同廢几跼蹐亦復佳蹢躅未宜鄙

久虛結客鞵屢缺候門屣猶能蹋冰無但可曳杖耳臨

風畏蹉跎看月艱尺咫扶行必徐徐舉步輒止止誰爭

黃犢健自愛白駒駛智已不如葵憂同常真杞

易林據  
蛛履杞

跌刺  
為憂

何由輕緣骨空自繫金柅就燥呼芎藭去濕載蒼

苴榆枋雀一踊霄漢鵠屢企扶輦有門生閉戶非高士

白詩閉戶  
病足非高士

聞音久寂寞遺土或倫擬

莊子視喪具  
足猶遺上也

周

遭解脫門出入無何里嗒然忘其身微疾何愠喜

恭和

御製詩四首

有序

康熙五十八年六月

上賜大學士王揆等七言律詩一章都人傳誦口沫手

胝

臣

右曾亦得擊跽迴環尋繹熟復仰見我

皇上勤勞機務優厚耆舊至意而鏗金曼玉美備八音

瑞日卿雲光呈五色

臣

伏思七律所自權輿有

唐沈宋始導其源高岑復衍其派王孟繼之以

清雋杜韓加之以沈鬱劉白之流便精切溫李

之緞密婉麗以逮錢劉皮陸各有所長並臻其

與至我

皇上駢羅百代囊括諸家詩學萃於大成琅函垂諸萬

世今茲

聖製一篇正如神龍片甲紫帶風雲丹鳳一羽照耀日

月臣幼耽吟咏粗習篇章遭逢

聖明塵忝侍從蒙

恩拔擢以至今職親見

欽明文思之君獲窺婉雅儷頌之什誠懼誠忤心慕手

追伏念宋時太平興國以後凡有御製多命近  
臣屬和唐時張說為集賢院學士有奉和聖製  
賜諸州刺史及賜崔日知往潞州諸作臣現直  
翰林不揣臣鄙竊附斯義敬和四章上請

聖慈俯賜誨示

臣

雖衰鈍尚得仰稟

訓詞知所師法

臣

不勝欣幸顙望之至

四始鈞陶第一人宮商入律協君臣高詞冠古篇篇妙  
至德根心字字真道貫百王言作範書窮萬卷筆如神

揮毫盱食宵衣後六十年來慎笑嚬

包羅歷代衆詩人沈謝何劉總隸臣  
句裏風雲森氣象行間煙月出清真  
黎元念切知無逸造化心通識至神  
遙想仙都凝望處夏山新霽翠如嚬

螭坳龍尾幾前人寶翰輝華寵老臣  
求舊每多今昔感撝謙亦本性情真  
詩成御製同三代福自天申護百神  
殿閣薰風晴畫永墨花遙共苑花嚬

樗散才非侍從人猥蒙異數領詞臣  
十行札賜劉常侍



兩命恩隆賀季真立鵠班中瞻睟穆飛龍天上見精神  
南山願獻無疆壽四海歡聲笑不頻

雨過

徂暑溽未闌油雲暖將夕林中過涼雨牆外響幽屐在  
襟冲思盈即事驚塵隔氣迴枕簟冷意愜魂夢適起行  
到前除抱疴稀履迹池邊孤月上露下幽花滴牀頭一  
卷書千載猶宿昔不有盈樽酒何以慰離索

獨坐

老椿百尺枝高槐一畝陰不見喬木古詎知幽居深身  
閒疾漸遺事往感在今挾子烏朝飛嘯侶猿夜吟如何  
別親愛惻惻恒此心長廊去逶迤行跡難重尋惟餘松  
石間髣髴有遺音幽憂何以寫空此風中琴

卧起遣懷

天風海濤喧一枕卧看高槐舞疎影起行雨過百草榮  
坐久窗虛九秋冷青綾白衿或時御葵扇絺衫俱可屏  
陰濃舍後有梧竹寂寞門前無造請偶然一病豐暇豫

且為多年掃碩曠

時患痢疾

米鹽家人事休白婚嫁兒曹書

不省汎汎常思月在湖悠悠只憶雲生嶺歸與老境便

平魚稻久矣童心戀閭井且試山中昨寄茶玉溝清泚

佳光景

七月一日偶作

夜多不寐晝慵行強起風前白袷輕老去但餘松石意

客來勸聽管絃聲綠萍得雨依依合紅葉先霜艷艷明

都中雁來紅盛于六七月至八月後則萎矣

物色新添四叢桂故人遠致闔

閭城

立秋後漢瞻見過

取次金行熱未休，欄庭一葉落還不。誰言積雨能消暑，

纔到斜陽已入秋。

是日以西  
時立秋

舉扇似添風，瑟瑟展衾試。

待夜悠悠清樽可，是招涼物更乞先生為小留。

明日復用前韻作一篇

叢薄煙銷雨意休，西風策策簞知不。每嗟世閱人成世，

見列子

肯信秋非我有秋。

見漢書

殘暑入林蟬嘒嘒，蚤涼牽

夢蝶悠悠曲闌干外間亭子多為看花待月留

重過法華庵

慈恩寺外碧湍流故老猶傳地最幽銀漢影斜天左界  
鏡光湖接水西頭煙雲日日從舒卷衰病年年未退休  
九十劫如風雨疾螻蛄那復問春秋

夜雨

浙浙復浙浙終夜不斷絕恍聞秦絲怨如聽隴水咽孤  
臣十年流思婦萬里別如何此時情淚下俱成血

夢吳山

我夢還山中山中叢桂發洞古林壑幽臺高風景豁潮  
聲落江海秀色割吳越感彼巖端棲弄此石上月

送巖梧巖梧一字待翁因以待字立韻

梅花庾嶺上綻若珠百琲歸來廬山雲湓口一帆待舊  
游曾幾日槐火歲五改喜子膺薦書治行壓寮采謁

帝蓬萊宮

賜衣光翠彩忽承

明主問敢蹈蔽賢罪故人乃知君令名出无賄行馳太  
守傳嘉績竚三載榴花照眼紅別我向淮海王城方苦  
旱乞雨禁刳宰何物登盤筵畦蔬尚堪採

送介夫介夫一字固庵因以固字立韻

大槩取富貴儒冠計或悞霓裳譜遺聲乃遭俗工顧騏  
驎天驥子鹽車在道路美人桃李顏倏忽感遲暮游從  
三十載愛子心跡素冷然青松枝不受雪霜沍精心貫  
金石軟語款親故昨來連牆居寒廳約頻赴茲晨忽告

別離緒增觸迂悠悠淮南雲杳杳廣陵樹明湖足臨汎  
流電走烏兔大力負之趨藏山未必固明年待吾子槐  
黃及秋賦

乾  
坤  
萬  
物  
皆  
有  
其  
理  
而  
不  
可  
見  
者  
道  
也  
山  
原



懷清堂集卷十八

欽定四庫全書

集部

懷清堂集卷

十九

詳校官左中允<sub>臣</sub>瑯五珠

助教<sub>臣</sub>常循覆勘

總校官進士<sub>臣</sub>繆琪

校對官中書<sub>臣</sub>戴衢亨

謄錄監生<sub>臣</sub>張鴻仁

欽定四庫全書

懷清堂集卷十九

吏部侍郎湯右曾撰

詠齋中草木五十二首同雪子作

松

去年霜後枯今歲雨中蘇不是蒼髯叟誰當慰老夫

桂

分將月中種自我山中寺也天竺山  
中人不歸月中香可

致

槐

翠作老龍蟠陰濃六月寒清心了無夢不入大槐安

椿

童童覆如蓋南堂綠陰滿仙人八百年來共靈椿館

桐

清陰凋急雪無復蔭我室欲斲枯桐枝恐不中琴瑟

榆

我家老榆樹枝幹蛟龍纏題詩厭常語不道沈郎錢

竹

碧篠數十竿徙栽疎復密莫訝叢喧卑漸喜鞭橫逸

楸

布葉如雲屯蒼然入夏冷西風障落日晚下茅亭影

合歡

合歡夕常合葉葉自成行金堂七十二莫作野鴛鴦

丁香

嶺南雞舌香似非此丁子君看細黃花豈有白與紫

柳

寄生良已孤成陰或可舍春來一條條垂在西廊下

西府海棠

蔓草羅裳色芙蓉臉際紅文君有故里簾幕海棠風

杏

披草徑纖纖映離門窄窄恍如鳴鳩時村邊幾枝白

梅

物以希為貴，盈梅發寒沍，何必江南村。橫斜千萬樹，

茉莉

雙妹出南海，玉質臨風竝。都人簪柰花，不識那愁茗。

紫薇

移來紫薇花，本出紫薇省。誰與青瑣郎，綵筆照花影。

牡丹

種自曹州寄，名仍洛下來。東風相人欺，得芳藥出豐臺。

蘭

猗猗庭中蘭國香比國士不得貢玉堂言念在君子

玉蘭

辛夷開未開迎春好時節邈爾姑射人肌膚若冰雪

榴

榴花拆紅襟花落房多子時聞墮堦聲淋浪秋雨裏

山桃

山桃花盛時香霧晚暮暮客散月朧明三更遣吹笛

菊花



不資服餌用何取品目殊但念東籬花九日不可無

洋菊

八月有黃花坡公謂可怪詎知海外種觸暑園翁賣

荷

紅芳三十里采采意未厭今來花甚稀柄柄青荷葉

蓼

汀洲采白蘋道遠不得致對此紅一叢江湖渺幽思

剪秋羅

佳人理刀尺中夜起太息紅剪羅衣裳年年作秋色

鳳仙

娟好女兒花秋風乍入簾最宜紅透甲先上玉纖纖

秋海棠

花妥嬌無那莖承翠交委墜露小闌邊西風危石底

百合

根作百莖莖葉作青琅玕斑斑赤豹文倒垂花際看

郁李

常晚尚餘花條繁多倚砌悵然獨懷人戚戚遠兄弟

夾竹桃

似桃還倚翠似竹更依紅海外仙山物溫台落手中

夜落金錢

金錢夜夜落不抵一錢看借問張公子何如逐彈丸

萱

金質挺炎辰薰風日披拂祛痼苟末由萱蘇爾何物

藤

得時各葱蒨託根迺參差穿籬復絡石不得挂高枝

葵

耀日如摘錦傾陽每上堦時來和露折佛日有清齋

秋葵

獨搖金盞側淡著鞠衣黃洗盡風流態宮人入道裝

芭蕉

簷端心不展窗下陰常寂莫待夜霜侵慣經秋雨滴

杜若

花疎風下上枝弱雨離披杜若芳洲畔名曾入楚辭

牽牛

碧花冒籬落秀色紛偃蹇歛時日欲烘開處露猶泣

玉簪

脩纖白玉簪美人理雲髮散為六出花遙映三秋月

雞冠

軒然岸雞幘僂僂長身直笑爾鶴頭丹焉能備五色

萍

盆池萍忽合綠水自生肥時復驚魚闖由來有絮飛

薜荔

移根甫徑尺枝蔓忽縷縷不記上牆生莓苔足秋雨

月季

四季有繁花風前月下俱寫生南劍老添入錦堂圖

虞美人

今作原上花昔為垓下土似聞楚帳歌猶作虞兮舞

刺藤

粲粲黃荼蘼隨風每低昂似念攀折苦棘刺以自防

扶桑

憶昔日南花猩血染如一愛此扶桑紅一紅經百日

夜來香

白日車馬喧朱門酒肉臭所以暗香來多在夜涼後

雁來紅

掩冉曲籬旁深紅間淺黃殷勤語來雁慎莫帶微霜

忍冬

藤纏跨巖谷不與衆草伍保爾歲寒心忍茲霜雪苦

南天燭

八尺紅珊瑚如意一聲碎化作勻圓珠風雪小山背

蠟梅

香浮金蓓蕾色謝玉肌膚破蠟迎春日江梅先得無

左闕門外雨中

清池一道漾漪漣左闕門東太廟壩碧葉始生初夏節  
紅衣今落晚秋天采蓮歌斷佳人唱踏藕船餘稚子牽



行到迴塘聞雨滴西風衰髮正愁邊

中秋

是日間

貴人之喪

金波澄處玉輪圓只少些些  
脆管弦涼冷影初沈皓魄  
鏗鉤樂已罷釣天陰晴

帝里同鄉里哀樂衰年異壯年  
佳節尚憑公等在醉吟

直到燭花偏

時九沙南指兩翰編西亭水  
部時公雪子兩大學在座

送劉咸珍歸里

子病憐新愈吾衰送此行  
九年為客意一月到家程  
旅

雁秋來影寒潮夜落聲知添他日淚泉路渭陽情

薄聿脩學士使還言山左李中丞酒間忽聞灤口

商人將酌金上壽即於席上作教禁之方對客

揮毫時歌者音律稍乖必為駁正周公瑾之流  
其才不可及也作一篇為寄

笙歌幾部沸華堂條教親裁燭兩行心念民疲如杜母  
耳知曲誤是周郎千夫帳下麾幢繞七字毫端翰墨香

事承號  
能詩

聞道翁歸備文武再承天語在明光

歡中承為  
上當嘉

文武全  
才者再

重九前一日文湘侍講艾堂宮贊蒼孚農部西亭  
水部思敏侍御聿脩大令元溪員外峙公雪子  
文學枉過小飲

足盤妨閒步朋來慰索居庖厨未嫌薄文酒自相於雪  
片分魚膾金膏溫蟹胥敢云同俊味聊當摘畦蔬

細細雲初破悠悠月已中嘉辰明日是款語故情同可  
有登高約應憐避俗翁

杜詩陶潛  
避俗翁

呼童種黃菊肯遺沒

蒿蓬

客散後又成

客去仍無睡書拋復寡歡一燈間雨滴半臂怯風寒青  
女行除架黃花漸入闌哀遲逢令節感歎此身單

重九

聞道傳杯不放杯重陽令節菊花開霜清佛閣人頻到

水淨龍潭歲必來

十年前每重九率子慈仁寺毘盧閣及黑龍潭登高

老大登臨

少筋力賓游觴詠嬾追陪絳囊佩得還隨俗好為衰年

更壓灾

丁巳春至旃檀寺忽忽四十二年迄今已亥冬偶  
重過此感思舊事如在夢中

鈿車香騎寺門前白晳當時好少年誰省王城春似海  
一枝壓得玉花偏

送翁聿脩大令南歸兼寄尊甫蘿軒同年

酒香臘甕歲方徂去若登仙子甚都鳬鳥春來仍入洛  
萼萸秋後每思吳四山迴合雲藏寺一葦空濛雪滿湖

寄語蘿軒老居士不妨潑墨畫成圖

元日次盧舜徒光祿除夕見貽原韻

太官初識膳膏香三署兼司陞楯郎

帝念清卿官特拜人知勁節薦交章冠軍舊德曾燔契

光祿新銜合築堂

光祿堂見歐公記

政事趙張誰可繼更誇文

采似班揚

蒸壺約素自家風居損持盈道更冲心薄浮雲時態異

義鍾老柏歲寒同韻無適俗思元亮力不因人笑子公

正旦九衢車馬散冷烟濕雪寂寥中

燈夜與文湘西亭介夫峙公雪子小飲

餘寒猶自閉簾櫳手撥深爐熾炭紅門外襜褕三日雪  
竹邊掩冉一闌風歲時挑菜佳辰過燈火傳相舊事空  
臘剪青蒿與黃韭天涯差喜故人同

曉起

夢回特地紙窗明三日風篩雪未晴臘有烏鳶蹲凍樹  
了無燈火鬧春城詩人灞岸朝酣酒猛士關門夜斫營

我老但餘癡鈍坐玉山空照眼崢嶸

海棠六絕句

窺簾無那醉嬌何北地胭脂寶靨多  
猶自穠華帶鄉井  
浣花牋色錦江波

不須施粉更施朱  
宋玉東家態不如  
乞與春陰好將護  
長紅小白半開初

兩株紅艷十分勻  
先後開時各關新  
底事春風不相見  
邢夫人對尹夫人



天姿富貴許誰同  
粉態珠光一片融  
任遣詩人笑  
麤俗小桃點注出繁紅

今年花發去年枝  
光景流連又一時  
未必綵雲飛便去  
也應玉笛晚休吹

祝釐日上經壇常恐花時倏已闌  
夜半明燈圍院落  
更留好客勸勤看

明日又作一篇

爛漫春城看似無  
碧雞坊裏敵千株  
憑誰貯汝歸金谷

可用移家就石湖曉日烘開紅蓓蕾晚風褪出雪肌膚  
未教綺語刪除盡禪榻茶烟笑老夫

花下

晚將淨眼觀無方偶逐天花即道場判與色香新世界  
劃開鶯燕舊封疆濯枝雨喜連朝潤颺暮風驚昨夜狂  
石上落英紛不掃游蜂冶蝶漫奔忙

王帶河少司空餉餅四十枚作歌

蒼龍昏見時正陽涼風如秋騰隴黃千村碌碌鎌鋤忙

霏霏落磴天雨霜爛然瓊靡照管籥佳人洗手朝入房  
雕盤細瀉銀餅湯女丁婦壬互劑量小團月出戶東廂  
春綿秋練方法良清凝鶴髓貴莫償薄如蟬翼輕欲颺  
炊裂十字進高堂近賓密友懼未央老饕念我還分將  
磊落四十如截肪華山玉屑細有香梁甫銀泥白更光  
豈敢汙汝羅酒漿清風茗椀聊試嘗重樓十二弛戟防  
委輸華蓋掩太倉絳宮真人壽而康下有童子舞黃裳  
紫洲小姑莫漫狂白石漱琢無堅剛靈根顧視猶未亡

溫淳此味詎敢忘誰其遺者瑯琊王飽間設食齋殊芳  
鄒平沉自有憲章平生說經笑公羊軟美便思老是鄉  
口腹累公豈可常請從秘苑求其方

藤廳花時偈作

文書堆案眼從遮不記藤陰日又斜滿架丰茸綴纓絡  
兩株詰曲走龍蛇似聞西省新栽竹

劉貢父事

空憶東堂舊

種花

東坡詩玉堂陰合手栽花

六七年來幾閒日風爐雪乳一甌茶

題李曲江少司馬戎裝出塞圖

先生知國等知兵  
擐甲龍沙萬里行  
冠子翼真宰相器  
輦車驪駕歷諸營

庚癸從無一士呼  
平安火直接神都  
英姿颯爽如褒鄂  
曾在凌烟貌得無

庚子五月初三日復過法華庵仍用前韻

驚嗟歲月去如流  
三度風潭景物幽  
古佛寶坊臨水尾

相公樂府換歌頭

李文正公樂府最傳於世庵即文正別業地也

百年劫火燒

應盡十里肩輿倦  
且休點點綠錢南  
浦上雨來蕭颯便

成秋

五月十四日夜露坐

高林晚露寂不喧  
短籬疎花幽自翻  
何當羽衣入舞砌  
豈有啄木來敲門  
穿池華月光下上  
拔地蒼石陰朝昏  
松風若鼎橫一榻  
道人於此真忘言

雨亭制府郵示元夕駐師金沙口上詩作一篇奉寄

先生廊廟英器資備文武西南天萬里前席授玉斧百

濮心綏懷諸蠻手摩撫陽關絕徼外一夕響鉦鼓犯我  
屬國疆

至尊赫斯怒親分驍王鉞特開元帥府日入崑崙西拓  
此河湟土治邊列戰格滇池實門戶拜表即出師師行  
若時雨軍無呼庚癸士每共甘苦刁斗庵不驚幕井民  
安堵慷慨取金印從容揮白羽儒者有此人如方叔召  
虎兵家貴間道我間諸前古絕蜀自陰平叩關由子午  
騎或一敵萬技料三當五鉤撞百道攻鼓角九地取書

生好說劍丈吏恥負弩雖借帷幄籌恐無尺寸補先生  
真國士才與管蕭伍會須斬樓蘭未用招贊普金沙暮  
江口燈火繁星聚葡萄塞上杯勅勒軍中舞是時上元  
夜喜氣融諸部煌煌南極光煜燭眼親覩雪山界天末  
列障翠可數新詩競傳寫清風頌吉甫豈惟壯士歌行  
見樂人譜

庚子立秋

炎毒何當休纖絺汗猶浹西風颯然至涼意欲動篋滋



味覺鮮新衣裳初熨貼是時秋之孟四見冀生英五行  
迭休王勢若驟凌躡蓐收令始肅龍火氣已懾伊余抱  
煩疴一體互壯蝶憂虞理應遣暇豫生可攝憶昔槐弄  
黃鄉選甫懷牒蹉跎四十載衰白遂滿鑷懷新情依依  
感舊歲劫劫偶然設茶瓜思與賓侶接高林變蟬鳴長  
廊響行屨雅言賦新詩逸興求醉帖昨夕哉生明一鉤  
挂壁頰未嫌歡意減已覺秋懷愜中庭落梧桐深巷賣  
楸葉鄉心逐兒女那得渡江楫

雨中喜宸再自潞河歸見訪

颯颯雨侵軒沈沈樹隱門  
棗垂烟外重荷集晚來喧  
潤始霑衣桁涼宜近酒尊  
欣逢故人至一夕共清言

送徐亮直編脩奉使冊封琉球

鼉鼉梁已駕東瀕寶冊光  
華寵命新受吏遠來滄海  
使宣風暫借玉堂人神魚  
跋浪迎旌纛仙草環洲集  
鳳麟一品錦衣歸獻壽此  
行最喜是娛親

丁憫忠寺後院

霽景高林外幽房曲逕過雙扉開晚照百尺見懸蘿葉  
葉含風細枝枝得雨多翠帷紛在眼彷彿到山阿

十月四日樸村晚過菊下小飲

又逢雲物晚秋澄去歲黃花今歲仍小墀疎檣香冉冉  
高枝密葉影層層那能留眼看朝暮空自縈懷到寢興  
向夕一弓明月下故人偶至為燒燈

十月五日由德勝門往湯山接

駕

雲樹迎仙蹕人家近斗魁晚烟橫疊翠落日漲飛埃暫  
逐羣公出行穿萬馬回廿年思扈從無復舊鄒枚

清河野望

夢回兀兀復騰騰洗眼青山看幾層  
指點興亡飛鳥外西風衰草十三陵

仙女堡行

威弧幾時落旄頭松州雪嶺猶防秋  
仙女堡當轉粟道仰窺千仞俯九幽  
寄欽一綫險莫儔雨淋石滑行人愁

馬蹄忽蹶徐縣尹下與萬里長江流  
妻兒淚應猿聲落  
苦怨天高鬼神惡漢家嫖姚方少年  
蹋踣軍中正為樂

湯山接

駕

羣玉山頭雪未殘丹砂泉上不知寒  
載鷁已見前旌過  
捕虎遙從後乘看星亘五營天  
列仗龍騰八尺

帝回鞍

睿容有穆臣寮喜伏謁鑾旂第一竿

十月十日自湯山迎

駕歸夜宿清河

間雲一片本來輕野鶴孤飛不算程  
原上歸人斜日影  
枕中鳴轂曉鐘聲濁醪屢酌煩村叟  
嚴鼓稀聞近禁城  
三十四年流電速屬車塵後老書生

清河橋上

偃月形斯壯垂虹地本靈  
禹功通澮洳漢苑接郊坰  
風漾寒波白山銜落日青  
酒壚頻歲到衰髮感星星

送成綱齋出使安南

使星先入日南天  
原殿新看

詔旨傳九譯  
葢幢來白雉  
百重樓櫓望朱鷺  
林風箏雨  
山稠疊  
峒獠溪蠻路  
接連萬里何人諭  
威德此行端藉  
玉堂仙

題李文正慈恩游詩卷後即次原韻

有序

予同年白君彥京以茶陵李文正公慈恩游詩  
卷自陽城寓書寄余余視詩末題署正德九年

甲戌作為公致政之二年而詩中流連景光沈吟老大詞旨悽婉文衡山為之圖題曰西涯圖喬莊簡跋云寺之後曰西涯考公懷麓堂集有西涯雜咏十二首第四篇即慈恩寺其他如楊柳灣鐘鼓樓四詩中亦互見則慈恩寺在西涯東西涯之名所由來久公因以自號今亦不復能識其處公詩首篇云幾人城市此曾遊又云城中尚有山林在集中重經西涯有云城中風



景夢中路又云禁城陰裏御河西慈恩寺偶成  
云城中第一佳山水則西涯之在城中無疑日  
下舊間載淥水亭雜識云西涯有李長沙別業  
考其地在今德勝門西予近年往來湯泉數得  
經過見風漪彌望直接德勝橋而東水物可愛  
有法華庵在其上意其為當時之西涯所云積  
水潭海子亦即此地但相去二百餘年不特琳  
宮佛屋灰劫無存而圖中所有喬木蒼巖長橋

斷岸亦不復能彷彿矣莊簡又云西涯公嶽降  
地公詩有淚痕應共水俱流句又云撫今念舊  
為之愴然集中如禪後述哀云應謝西涯舊時  
柳泣風愁雨共依依又重經西涯云淚滿密縫  
衣上線又云愛日慚非稚子歡又云慟哭兒童  
釣游地白頭重到為何人則莊簡所言信有徵  
矣至淥水亭雜識所云公有別業在北安門外  
或是生時所居非別業也集中有李白洲侍郎

督復西涯舊業詩云三間矮屋一重樓則非莊  
野可比其他若重經西涯云綠野無堂正憶裴  
又候馬北安門外游慈恩寺詩云十年一到竟  
何能又重經西涯云重來又隔幾寒暄又宿海  
子西涯舊隣云東陵舊路元相接若果別業尚  
存何至隔幾寒暄經十年不一到即令止宿何  
用舊隣推此而言不但無別業並生時故居亦  
久廢矣文衡山載公遺事罷相後設客至不能

具魚菜風操如此豈能更為平泉木石計集所  
云督復舊業者始終未之復也流覽感歎次韻

一章

池邊老鳳肯回頭

游在正德甲戌公已致仕

樹裏鷲爲感昔游劉謝

並時同國論李何別派異詩流蒼茫野水圖猶在散落

遺文集未收

慈恩游詩五篇懷麓堂集不載

今日更憑誰指似三間矮

屋一重樓

詩成意猶未盡又作四絕句

兒時游釣頻經處幾度垂楊信馬行玉果可曾分四座  
金環似省識前生

裴家宅裏秋天鶴房相池頭雪色鶯誰似幽居無一物  
門前贏得好烟波

成弘館閣數茶陵一代詩家無幾人可惜當時集賢院  
不曾寫得樂天真

宏長風流在鼎台一時門館盡英才諸生尚有東南秀

未到平津閣裏來

文徵仲圖  
上署諸生

庚子十月二十八日盧光祿舜徒六十壽小詩一

章以叙朋友契合之情非世俗頌禱語也

論交不在早但取意氣真君看青松枝何必桃李晨金  
石性不易芝蘭香宜紉我晚得益友頭上白髮新邂逅  
杯酒間情等骨肉親澄明抱霽月豁達排秋旻承家與  
報國恃此清白身子仕州郡日名已動縉紳酌泉新安  
江大好山水隣父老愛劉寵里閭思寇恂司刑來三吳  
泣玉明且仁滇海脂膏地俸不贍親賓歸來太常齋甑

中欲生塵忌者不謂爾讒口信信帝庭十二閑駉駉  
驪駉駉傾家營一豆不救武子貧

至尊洵亶聰拔擢驚無因名卿重清節豈曰冀錢緡念  
子耿介姿在物無緇磷飄瓦擊不恨虛舟觸不嗔疾惡  
雖如風無心思怨泯緇衣好賢什茲意常周諄三哺必  
佳士一飯無俗人退食插架書浩然渺涯津鏗鏘發宮  
徵筆落疑有神居貞心匪石守道節貫筠六十今始滿  
堂上壽酒陳富貴取大槩功名畫麒麟二塗宜何從一

笑無邊春

立春日忍病昇至書齋

縛箇籃輿茗椀隨南齋又到覓春時柳條未弄悠揚態  
桃蕊初含蓓蕾姿雪陣江天茅店酒梅花人日草堂詩  
病中只有思鄉夢官職聲名兩不知

院中齋宿

紉如街鼓夜將闌樺燭烟銷夢向殘  
哀病久知曹事廢  
優容真荷



國恩寬太常曾視芬芳具

漢書五時無牢孰具芬芳不  
備予辛卯為太常卿壬辰改

翰林  
學士

法駕頻叨侍從官

聖主為民祈穀意屬天燿火在郊壇

懷清堂集卷十九

欽定四庫全書

懷清堂集卷二十

吏部侍郎湯右曾撰

送朱可亭總憲賑饑山西

憲府官彌重河東歲大荒地當千里赤麥失二年黃風  
俗多商估人家少蓋藏恐憑和糴議未足慰流亡

送盧舜徒光祿賑饑陝西

使者如甘雨隨車入雍州遺黎方望活

天子待分憂漕

去聲

粟前籌急屯田後效收期君布嘉惠

直到海西頭

酬蒼孚農部元夜見詒原韻

匆匆節物上元過肯念漳濱久抱疴著句暗中知沈謝  
苦心灰裏撥陰何九衢燈火繁華盛七秩年光感慨多  
予開七秋今  
已六年矣猶憶當時舊風月得鄰堂上夜徵歌

早春試筆

紅未抽芽綠已含風光流轉我潛諳老無興味心常嬾

地想優閒夢尚貪一片晴雲依闕下幾陂春水隔江南  
歸田每說人皆笑竊祿年多合自慚

萬年寶曆詩

有序

欽惟

皇帝陛下膺駿命恢丕基粵自即阼迄於今茲聰明睿  
智神聖廣淵之德孚於上下覃於八表凡食毛  
含齒萌生蠕動之物莫不煦嫗至化漸濡大澤  
欣欣各遂其私繼昭夏軼三五皇哉復乎莫得

而京矣歲在辛丑

皇帝御極之六十年甲子一週顯穹示慶與祉沓至垂  
萬世之基卜無彊之厯將復肇於今日循環之  
周而復始橐籥之鼓而日出景運昌數實符其  
期於時諸王大臣庶司百職事暨輟下耆老太  
學生徒僉謂歷代未有伏

闕叩額請行慶賀典禮羣情喁喁呼籲懇迫

皇帝曰吁報本饗親之弗先其曷可已迺

命禮官諏辰庀物肆類

上帝薦馨

列祖親謁

園陵肅將祀事登銅盥洗罔或弗虔仁孝誠篤肝鑒布

濩大禮斯畢

玉鑾容與歸自郊圻維億兆人咸歡呼踴躍奔走摩霄  
漏泉氤氲鬱之氣乃遂畢達既大和會萬萬  
一心復有山陬海隅黃髮鮐背之老跋履遐遠

越數千里雲集京師與羣公卿士百姓伏謁

端闡奉

萬歲觴請上

鴻號

皇帝撫謙至德有而不居親降德音飭政經卹人瘼跼  
聆悚惕莫不欽歎時則瑞日騰曜卿雲流藹士  
女童叟駕肩挂轡喧闐拊舞於衢巷之內羽旂  
金節幡花贊唄鐘鼓絲竹鏗鏘之音延屬乎郊



門之外太平之象既洽仁壽之俗彌劬非甚

威德昌克臻此乎

臣

攷稽簡冊帝王之興多推本符命

於是鳳凰龍馬朱文綠字流星刻玉之異徃徃  
具載於篇其中哲后誼辟功德及人民欲得神  
望塞報以嘉應享國長久顧自漢唐以迄元明  
世系皆可考越數千百年如

皇帝至聖上德履飛龍在天之位備康寧壽考之福綿  
太極上元之歷古無有二靈貺殊造慶成錫美

延頸企踵者舌敝於謳吟懷鉛握槧者詞窮於  
比擬臣竊推迹詩書所紀如成周極盛之時周  
公召公畢公君陳之儔協心同道底於至治所  
以願望其君者曰欲至於萬年可謂至矣而必  
陳述於天之基命定命二雅所賡善頌善禱天  
保之什首焉其詞非出於一人故曰何福不除  
又曰罄無不宜又曰維日不足辭之重言之複  
至於山阜岡陵月恒日升南山之壽松柏之茂

而必冠之曰天保定爾蓋言此皆天之厚有德而致諸福也

皇帝受祿於

天嚴恭寅畏無一時一事不奉若

天道照臨如日月奮迅如雷霆濡潤如雨露孚信如四時

清明在躬與

天同體

天乃眷之顧之佑之命之又反覆申重之畀以殊祥錫  
以純嘏仁風扇協氣游甘露降醴泉涌雨暘時  
若豐年穰穰景應響答未見侔比

皇帝建中和之極啟昇平之運盛德大業富有日新猶  
且兢兢兢兢業業夙夜宵密罔不祇肅敬之至  
也又臨朝涖政接下誠民惻怛勤懇咸本誠意  
夫敬禮之興也誠聖人之本也宋呂祖謙謂惟  
敬故壽主靜則博厚悠久自強則堅固精明敬

之方壽之本也中庸言至誠無息至配天地極  
於無疆漢董仲舒亦言天瑞應誠而至理皆自  
然可信

皇帝誠敬作所篤祜絕佑職此之由自今以往

天休滋至億載萬年永永無極雖復握六觚備五數迎  
日布策推諸無窮皆未足方此

遐福洪算矣臣持橐禁廷竊以歌詠

神聖功德為職雖弇鄙弗獲自己謹効管蔡闕測敬呈

萬年寶歷詩十章章十二句其詞曰

皇帝至德包乾毓坤法宮之中安安存存函我萬國如  
歲之春昭事

上帝祇戒明禋禎符乃來曰歸於仁於萬斯年以撫兆  
人

皇帝大孝立愛親始率

祖攸行陟降庭止

兩宮寢膳必躬問視更歷歲年追慕不已天至之性逮

於麟趾於萬斯年永錫繁祉

皇帝儉勤萬幾在宥土事不文木事不鏤法天地節為  
爾民富未明求衣視百司奏太官尚食或稽晝漏於萬  
斯年功崇德懋

皇帝知人峻德克明咨岳詢牧俾佐太平下及百吏胥  
簡於廷追之琢之出玉之英薪之楨之得國之楨於萬  
斯年羣材蒸蒸

皇帝愛民迺煦迺育天地中間液洽滲漉賜萬萬相復

出廩粟不竭而獲與聚所欲仁增益高澤久逾渥於萬  
斯年惟帝之祝

皇帝好生上與

天通仁愛矜恕靡物不容一夫非辜爰厪

帝衷敬爾由獄無俾滋豐蒸為甘雨散為和風於萬斯  
年慶刑之中

皇帝功烈首導河渠羨溢弗治民其為魚淮泗湯湯既  
播既疏億萬之口有那其居灌浸通利陂澤江湖於萬



斯年豐我黍稌

皇帝性學該貫三極窮天之紀周地之脉合樂和聲造化胸臆乙夜披覽六經百籍煥乎文章垂億代則於萬斯年焜煌

寶厯

皇帝神武電掣霆摧誅三叛人稟

帝指麾削平沙漠申命六師苞有遺孽萌芽於西其渠乃殲其庭乃犁於萬斯年殊方來威

皇帝景福濡被九有大哉乾元為物之首環四瀛外獻  
見奔走百昌熙熙以蕃以阜民之捧戴

元后父母於萬斯年與天齊壽

白石橋

來往朝煙與夕霏寒衣脫盡勝春衣波清曲渚魚游樂  
草綠平疇雉乳肥屢浣衰顏塵冉冉尚牽芳思柳依依  
廿年白石橋邊路華表難尋老令威

山行微雨旋止

邨落多勤雨風雷肯破山沮洳泉更細焦灼石俱頑芳  
草一時歇行雲何處還霏微飄數點賸取客衣斑

望雨

瀟灑過長日平安得小與巖巒欣應接雲雨惜空虛扶  
老因加飯全生且撥書此情同逆旅泱泱想鳴渠

距熱河三十里山頂有方石高二丈許矗立中斷  
為二四旁有刻劃痕洵異觀也

有石能自立無人為告勞鬼工曾密運仙掌得雙高俊

拔千夫特鉞釜萬劫牢鍾靈定何自一舍即神準

圖南編修送餅餌

蘭若期三宿

寓小菴中

牢丸餉一椀出籠霜比潔入手月爭

圓方法傳中禁分張壓食單老夫食軟美不用勸加餐

宿螺山

薄雲霑灑不成泥暝色山光望已迷東崦人家最惆悵  
今朝雨在白檀西

道中遣懷

仲夏實炎月行人尚披裘怪此氣候殊或云雲石稠山  
中洵多寒問昔有此不陰盛致水潦暵乾豈其由顧視  
畦隴間詎知麥當秋一雨得破塊投種冀晚收

至尊方焦勞羣公急良籌奔命禱祠廟香幣沈靈湫百  
請未一應冥默神應羞商羊會當舞旱魃行且休比閭  
秦晉饑赤地良可憂斗米貴於珠萬錢價不酬

詔發洛倉穀三門首汎舟更頒內府金起此鵠與鳩比  
戶先流亡轉徙之他州他州不見容扶挈死道周符節

緊誰持坐視民呿嚙肉食古所鄙但知為身謀王師今  
方西遠過青海頭壯士務殺敵暑月猶兜鍪熱風來如  
燒瘴氣日夜浮轉粟青天上牽挽踣萬牛矧久缺甘澤  
何以富來麤安得膚寸雲崇朝決九丘杜注九州也滂沱未  
可望浩蕩生邊愁

南天門

丹梯盡處敞雲樓形勝闕門最上頭一握天低隨鳥度  
兩邊山合夾川流琳宮燈月神光滿墨海蛟龍筆勢遒

上有御  
書額

此日憑高展清眺恍疑汗漫與同游

### 出城小睡

平肩輿更穩於舩合眼華胥到最先  
螳穴蟲巢等相殺不如蝴蝶去翩翩

### 三家店

麥隴焦枯農廢耕已荒春作待秋成  
雲霾東北將蒸雨風轉西南又放晴  
樹下暗泉喧晚汲道旁孤店餉塵羹  
邊州糠粃無來處一飯真應判死生

秦晉皆苦饑間肅  
州以西數十金易

斛米亦  
不可得

潮河川

言喚白河船復問潮河渡出山各分流入海會同注

自牛欄山寺曉發

晚到羊車喚小乘早隨鳬鳥歷千塍

是夕順義令亦  
禱雨宿寺中

飛

塵便旋多風候初日蒼涼豈雨微四野幾時操耒出萬  
山何處望雲興神仙詎合分今古巽火翻瓢見未曾

重入南天門



傳烽不記蠶房谷乘障空間司馬臺二十四關休護塞  
通天只用一門開

古北口

王公有設險此地洵雄哉山似中原盡

出蘇子由詩

闕臨絕

塞開五營軍令肅一疊角聲哀遺堞無憂掃時清罷戍  
臺

由長山峪北行三十里偶成

十年四度往來頻世事翻雲覆雨新  
梧老待棲孤鳳下

茅收欲賦衆狙嗔久知朱紱應拋我每對青山覺泥人  
自是幼輿饒骨相非關中散出風塵

自石匣入山

昨夕雷雨過縱橫舒百卉朝來畦隴間父老喜相慰東  
峰已曙色西嶺尚雲氣得晴景亦佳望雨情未既良苗  
欣黍稷惡草壯蓬蔚萬物共生成耿耿知自貴人間偏  
側路豈得長無謂我起催僕夫及此炎毒未清風方徐  
來夏日詎可畏前凌欽岑險後有豺狼沸且酌山澗流

稍知谷飲味

偶讀少陵望嶽詩

朱崖碧海見秋毫  
月窟崑崙想像勞  
東望泰山西望華  
當時何惜一登高

王師入藏凱歌十二首

有序

臣聞布昭聖武斯王者之有征肅將天威惟仁  
人為無敵若夫戶未登於版籍地不隸於職方  
自非廟略之遐宣詎易膚功之克奏欽惟我

皇上綏懷萬邦照臨八表

體春生秋肅之義丕著聲靈

備文經武緯之模間行討伐彼澤旺阿拉布坦者罪人  
遺孽小醜稽誅當啗爾丹甫經削平之時維諸  
大臣即以剪除為請我

皇上天地含弘之德雨露長養之仁予以生全俾之孽  
息乃梟獍之性飽即辜恩虺蜥之心生而肆毒  
先之哈密倣擾繼則西藏虔劉敢殘掠之恣行

實神人所共憤六師其整九伐將申而廷議不  
無異同謂絕域實當險遠但九泥以封函谷何  
事長征第尺檄以閉玉門恐難深入

皇上憫無辜之蒼赤既胥虐以胥戕決必勝之機宜由  
知己而知彼亮渠元惡法在不原除暴安民事  
非得已且沿邊各部護塞諸番儻踰歲時寔被  
煽誘苟非及今殄滅何以永靖邊陲於是

運獨斷之明

炳先幾之哲

親授諸將之方略咸奉成算以指麾復

命賢王總司戎律桓桓之士如虎而如貔矯矯之臣一

心而一德九秋氣霽瞻太白之方高五緯芒寒

指欃槍之競落金鉦直進鐵馬長驅奮迅雷霆

馳驟風雨分三道以襲擊左右不支督諸軍以

攻圍飛走無所遂冰摧而霧廓爭解甲以投戈

受降既多獲級無算器仗山積馬牛谷量而西

路統制之兵建大將旗鼓而出軍分兩翼預防  
伏莽之姦計定七擒誓絕傳烽之警月壘環而  
頭懸面縛雲羅合而鳥散魚驚奏三捷於軍中  
布大喜於天下靈旗所指聲騰葱嶺之西武節  
遙臨威懾濛池而外迺拉里折衝之將兼滇蜀  
犄角之師策遂決於揔虛時方掩其不備銜枚  
夜渡卷甲晨趨不頓一兵已收全藏準噶爾之  
狼貪永突國典宜申唐古特之慕義歸仁民勞

可念前旌甫入法炬重新貝葉千花沐

王師之時雨蓮臺九品頌中國之

聖人此蓋曠代之所弗賓前人之所未至皆由我

皇上排羣議斷

宸衷定破竹之勢於禁中收聚米之形於掌上故能戰

無不克謀必有成等六合於庭衢視萬里猶咫尺

尺谷刻靡爽若寒暑之應期變化無方誠鬼神

所莫測城鄰碎葉必殪都支路出崑陵還禽賀



魯車書混合一澄瀚海之波氛祲肅清重勒高  
昌之石臣職司侍從代際膺歌間大捷之軍書  
祇深忭蹈獻無疆之壽筭幸在

闕庭謹做古者鐃吹遺意為凱歌十二章恭呈

聖覽雖慙下里無文聊志普天同慶云爾

恭行天罰遠徂征絕域雲霓望救情

聖主萬方同一體用兵正是要銷兵

列缺騰光耀太微

睿謨玉帳授兵機  
馮牙勃律天西路  
鷲鳥轅門不敢飛  
雲臺列仗儼星羅  
洗甲條支海上波  
決勝九天分玉斧  
受期諸將縱金戈

賢王秉鉞建殊勲  
喜氣朝來壓陣雲  
幕府共傳都統制  
凱歌爭唱上將軍

疑從枕席過

王師夜半長河飛  
渡時九地忽聞鳴  
鼓角不遺一矢定  
烏斯

來迎簞食與壺漿歌唄聲中出寶坊秭首

中原無量佛千花藏裏萬爐香

殊方膜拜慶

王春爭看東來日出人弱水長流三萬里也應貫斗上

天津

羽林精銳領材官烏壘城邊上將壇未用尺書招贊普  
直須長劍斬樓蘭

毘沙熱海路連延莫道陽關已近天新置宜禾都尉府

北胥鞭外盡屯田

西遐草木震霆雷萬古何人到此來自是

九重親決策天關闢處地垠開

遙從葱雪望河源首宿葡萄近塞垣伐石天山紀

功德崑崙便是國西門

龍蛇繞出陣堂堂掃穴犁庭捷伐張從此共球集王會

太平天子萬年觴

閏五月十日大雨後作

小睡西堂喚不應清風急雨掃炎蒸暫休格鬪階前蟻  
且免驅除案上蠅燕子暄涼時漸改雞人昏晝候難憑  
只餘病骨衰羸外優穩閑官亦自矜

題陳斐公清江盪槳圖

想見煙波白鳥雙披圖便似到家江參差紅樹青山外  
一葉漁舸七里瀧

隱居學道此何人清淨登仙位業親只傍水精宮畔住  
不曾一點浣紅塵

勝味屠門了不知綠葵紫藟足山資盎然與物同生意  
嬾向江邊理釣絲

蘆花淺水纜頻牽小小容渠兩板船占得四時風景好  
一錢不用買江天

翠袖華袿衆樂停看君水戲出迴汀鰣鰂躍後鮪鯨引  
雲霧青天晝杳冥

菰蒲聲裏小舟通宿火魚梁鱗舍東江上秋來聽夜雨  
雅宜舩背庫安蓬

放櫂空明縱所如休論陸處與舟居往來西塞山前路  
千點桃花五色魚

鼉作鯨吞脩改觀中流呼嘯舞濤瀾舟人莫要勤看客  
此老胸中溟漲寬

次韻雪子月下見懷之作

蟋蟀聲裏故山違蕩蕩空中明月輝入夜清光看更迥  
似君好客到應稀黃金印大從教取白玉卮溫肯浪揮  
臺閣鸚鵡鸞滿天路病餘老鶴尚孤飛

風露蓬山永夕居  
水天涼影靜禽魚  
料量藥物衰逾甚  
商較人材壯不如  
積雨歇時移月畢  
霽河斜處映星虛  
每思伴直呼君去  
吹火青藜夜校書

林木幽森列稍攢  
吟情遙上玉盤盤  
弄雛新比元和柳  
畫馬肥嗤弟子韓  
未識盃鐺聊止酒  
苦耽書卷豈堪官  
清商一部酬風月  
莫聽哀絲慘不歡

自贊門無知己求  
明珠忽枉暗中投  
郊居製賦要元禮  
雪夜迴船念子猷  
猷橘課千頭須檢  
校茶香八餅會勾  
留



晚來事少關心處，身世飄然已共浮。

得家兄孫敏書

自嗟家世本無年，九十兄今在眼前。  
料檢蠶漁猶俗累，掃除荆棘或仙緣。  
饑寒幸未同榮啟，官職虛教望阿連。  
樂天詩自愧阿連官職慢只教兄作使君兄何日邨南共煙舍，此生容易說

歸田

南船寄至益桂二叢招，蔗山太僕南屏侍御南。  
指舜揚翰編西亭，繕部峙公文學雪子孝廉小飲。

有作

兩叢容易入書堂風露初寒合蔽藏  
花葉紛敷來海曲根株攘剔自吳鄉  
分張與作中秋景擁護多留數日香  
傾倒更呼嘉客共撥醅下箸酒新嘗

丙寅秋予客游江陰時主人則有邑令陸雲士賓  
客則有曹武歌鄰湘兄弟酒場歌地登臨游讌  
之樂無日無之席間歌者時郎藝冠流輩每一  
發聲座客嗟歎不覺其耳之傾側也明年丁卯

春予北游復取道江上仍為裙屐之會時亦在  
馬曲終酒罷月落潮平作五絕句贈時解纜而  
去自此絕不相聞今年夏六月卧疴杜門時忽  
來京師以原詩裒潢卷軸俾獲重觀則忽忽三  
十五六年事矣偶然落筆了不省憶予既老病  
萬念零落時亦紅顏皓齒非復疇昔雲士鄰湘  
又久經下世追念舊游恍如夢寐感歎不已又  
作一篇云時辛丑中秋後十日

纏頭屢費曹顏遠顧曲頻煩陸浚儀地下久經埋玉樹  
尊前何處認瓊枝樓臺鶯蝶春暄早歌舞江山月墮遲  
白髮蕭郎憔悴甚夢游仙是少年時

病中即事時辛丑十二月六日

負暄南牖小匡牀升斗呼兒糴太倉京尹豈能令粟賤

唐李岷事今年都下米貴石至江南未可謂錢荒溫公馬


銀四兩五十年來所未有也

議社倉法云江淮之南民間乏錢謂之錢荒今五城無

御史糶倉未必責錢錢價驟貴銀一兩止得錢八百

絃陶令琴三弄食粥顏公帖數行歲尾都人尤望雪狹

鄉情更急寬鄉



懷清堂集卷二十